



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Trismegistus Doctrinæ Christianæ Tertio Continuatus,
Seu Brevis Expositio Sciendorum De Ultima Voluntate
Hominis Christiani In Spiritualibus, Atque Temporalibus,
Methodo Morali-Theologica concinnata, ...**

Mayr, Cherubinus

Salisburgi, [ca. 1735]

Deo Ter Optimo Maximo Magno Principio, & Fini Ultimo Totius Universi ...

urn:nbn:de:hbz:466:1-42295

D E O

Ter Optimo Maximo
Magno Principio, & Fini Ultimo
Totius Universi.

M A R I Æ

Matri Unigeniti DEI Filii
Cœlorum Reginae
Virgini sinè labe Conceptæ:

FRANCISCO

Summi Regis Signifero,
Minorum Patriarchæ,
Humilitate ad Seraphim usque
sublimato

Cunctisque Cœlitibus

Magnis Altissimi Ministris

Sanctis, & Beatis

Laus, Honor, Gloria, Cultus,

Et Veneratio Sempiterna.



Non enim verò, ubi per
Superiorum Facultatem,
& Patronorum, UNIUS
præsertim, submissâ re-
verentiâ recolendi, lar-
gam munificentiam licuit has pagellas *de*
ultima Voluntate Hominis Christiani publici
juris facere, decuit vel oportuit alteri
consecrare, quàm Tibi, Æterne Rerum
Conditor, Magnum Principium, & Finis
Ultime, Tuisque sempiternæ felicitatis
participibus, Magnæ DEIPARÆ, & Sanctis
cæteris. A Te etenim cùm acceperim
omnia, quæ sum, & habeo, hoc maxi-
mè Tibi in acceptis refero, quòd dede-
ris *Intellectum*, quò Te cognoscam solum
DEUM verum, & *Voluntatem*, quâ Te
diligam, laudem, & adorem. Profectò
cùm indideris creaturis omnibus, licet
spiritu & vitâ carentibus, naturalem ap-
petitum, quò in Te ferantur tanquam
suum primum Principium, & ultimum
Finem; mihi præterea, cùm sim vermis
& cinis, paulò minùs minorato ab An-
gelis etiam rationalem appetitum addi-
disti, quò me, tuâ gratiâ præventum,
X 2 ipſus

ipſus in Te dirigam. Et verò quàm
promptè Tibi obediunt, quàm Te re-
verentur aliæ, utut exanimæ creaturæ!
*Emittis lumen, & vadit; vocas illud, & obe-
dit in tremore. Stelle autem dederunt lumen
in custodiis ſuis, & letatæ ſunt; vocatæ ſunt,
& dixerunt, adſumus: & luxerunt ei cum
jucunditate, qui fecit illas. Hic eſt DEUS
noſter, & non æſtimabitur aliud adverſus
eum. Baruch. 3.* Quantò magis igitur
Voluntas mea exultet in Te, DEUS
meus, Te concupiſcat, Te amet, & to-
tis viribus revereatur? Unde hæc mo-
dica de Te, ultimo Fine meo, ſcripſi, ut
ardentem non in me ſolùm, ſed etiam
in aliis Tui deſiderii, & amoris affectum
excitarem. Hæc bona quidem Volun-
tas, à Te mihi inſpirata, licèt effectus
Tuæ gratiæ, in me citra omne meritum
ità liberali, non correfponderit. Ut igi-
tur reſpondeat impoſterum, vel certè
defectus meus in aliis, & ab aliis ſup-
pleatur, quod totum in manu Tua eſt,
hæc eadem unicè in Tuam laudem &
gloriam promulgo, oſtendens viam,
quâ compendioſè ad Te aliquando æter-
naliter poſſidendum perveniatur. Por-
ro

ro his adjeci laconicè, quæ alii *de ultimis voluntatibus* respectu temporalium magnis foliis solent pertractare; idque ut per contraria juxta se posita magis elucescat, quid intersit inter bona hic relinquenda, & illic in æterna beatitudine obtinenda. Ut appareat, nihil firmum, nihil stabile, nihil perenne, nisi solam ultimi Finis possessionem. Utque innotescat, quàm turpiter sibi illudant illi, qui ità studiosè inhiant hisce temporalibus, quasi ultimum sibi finem ea præfixissent, quorum nihil in alteram vitam transportabunt; quæ quidem cupidè auferentur ab aliis, sed modico relinquendum emolumento.

Suscipe igitur hoc leviusculum opus, Magne DEUS, Tuis, Tuorumque Coelorum Honoribus consecratum; Suscipe, & benedic, in centuplo retribuens, Illi inprimis, Qui prima hujus editionis fuit causa, & princeps Promotor, volens, non Sibi, sed Tibi, Tuisque Coeli Civibus dedicatam. Benedic dein aliis, qui & ipsi sua ope & beneficentia meam hanc operam, & inopiam sustentârunt, & sublevârunt. Benedic lectoris, ut fructum exinde

ferant, & ad Te tendere totis viribus col-
laborent. Benedic tandem & mihi, ut
nedum hi pauci litterarum apices, nec
soli quindeccennales labores Tuâ gratiâ
superati, sed omne totius vitæ studium
cedat unicè in honorem Tuum, totô-
que studio Te amare, & revereri discam,
donec unâ cum Prædictis ad beatam il-
lam vitam perveniam, quæ aliud non
est, quàm Te intueri, frui, & amare.

Tu quoque, ô superbenedicta DEI
Genitrix Virgo, meum, & illorum su-
scipe affectum; in Tuo semper miseri-
cordiæ sinu nos fove, & ab hoste pro-
tege, ne ab ultimo Fine nostro unquam
aberramus, sed eidem toto corde sem-
per affixi permaneamus. Tu, quæ ab
origine fuisti sinè Macula originali, de-
fende nos, ne succumbamus peccato
actuali, & impetra finalem in bono per-
severantiam, utpote certam omnino
beatitudinis tesseram. Fac, ut Te sem-
per colamus in vita, præsto habeamus
in morte, glorificemus in Patria.

Et Tu, Seraphice Patriarcha Fran-
ciscæ, intercede pro me, Tuisque Cul-
toribus, Filiis, & Filiorum, utpote Mi-
no.

norum, Tutoribus & Curatoribus, ut
Tuis præceptis, vestigiis, & exemplis
respectivè inhærentes, ità humilitate ful-
geamus, ut aliquando in coelesti gloria
exaltari mereamur, tecum laudantes
DEUM in perpetuas æternitates.

Ità & Vos, Optimi Coelites, cum
omni devotione, ac submissione obte-
stor, ut adsitis nobis in tempore op-
portuno, & inter tot ac tantas viæ ac
vitæ hujus varietates, vestrò semper
præstò sitis auxiliò; defendatis nos in
prælio, ne pereamus in tremendo judi-
cio; succurratis in extremo hujus vitæ,
ut perveniamus ad initium æternæ vitæ.

*Laus sinè fine DEO, Laus & Tibi, Ma-
xima Virgo,*

Et quot Coelicolas aula superna tenet.

Ità vover

*Indignissimus Vester Servus, &
Mancipium*

F. CHERUBINUS.